

新刊嵩山居士文集

四

新刊嵩山居士文全集卷第十三

律詩四十四首

行役

胡為行役尚殊方已覺春容近
艷陽石磽漱江翻翠浪蔣
牙穿渚出青甚艱難去國成淹泊
老大逢辰倍感傷幕府
吾切具朋酒兕觥猶及草公堂

樊口

林鳥晴自語水鶴暮知還
故國浮雲外寒溪積雪間
東行臨赤岸北望阻青關
石上窪尊在吾將酌次山

上都

晚歲辭荒塞青春赴上都
望雲君日近犯斗客星孤
獻納看多士襄遲失壯圖
功名吾已懶歸擬著潛夫

溪上

野老門前雲覆溪雨晴
雲氣亦霏微水生蘆筍
纖纖長日暖揚花細細
飛得食慈烏皆反哺
卷簾乳鷺自知歸
天涯物色堪行樂况復淮西近解圍

春晚

苔色侵堦上晴光度隙來
庭花隨鳥下池藻逐魚開
舊國悲銅雀新詩擬玉臺
一春常道路况即送春回
野樹交新葉春江上晚潮
花泥粘落葉麥隴散踈苗
輕籟因風發游塵着雨消
遙憐小山桂久負楚辭招

小築



小築何年隱巾車得再臨竹陰覆地薄樹影入池深雲日清暉動山林暮景侵南枝棲未穩接翅有來禽

秋陰

出林雲未斷入坐雨初霑急點鳴高瓦寒芽瀉壞簷懸蟻
悶玉塵散帙亂牙籤誰道幽居勝吾今吏隱兼

蜀江

蜀江楚破鬱巉崑雲霧中兼草木冬飛鶻翻空投齊野游
魚跳水亂澄潭朝廷共仰辰之北羈旅長留斗以南更款
暇時求勝槩每從隣吏恣窮採

立春

我來佇立望晴空目極蒼茫萬壑中樹色昏昏酣霽霧江

卷一十三

二

紋細細織柔風一行殊倍猶為吏三揖今年擬送窮聞道
東田耕帝籍勳無賦奏大明宮

江上春事

春來江上解霜嚴群栢周廬荀出簷危突兀狸頭蒙紫纒參
差龍甲長蒼髯閑思井曰高人宅懶傍車輿刺史幃留滯
殊方憂鵬入今年試為發書占

春回

城郭初瞻北斗移春回水壑已流漸石林背日垂寒旆江藻
舒風引細絲物色徐看催歲換形容先擬駐年衰天涯草
木雖無賴亦復欣欣及駉時

巴城

此從關塞歷巴城不復衣冠立漢庭越萬江寒嗟獨往瞿
唐硤險駭初經雙崖石立懸深翠方嶺排空送遠青久抗
塵容駭信駕徃來吾亦愧山靈

清秋

清秋獨立望殊方粉堞遙瞻堞堞長水滿蒼江平巨破風
交翠木亂寒塘滯留晚歲違公府準擬明年入帝鄉多病
早衰才不振緣慙無賦奏長楊

尋陽

渺渺蒼江遶郭流菰蒲杜若蒲汀洲山雲不動飛黃鶴春
水無邊沒白鷗日落荒城聞戍鼓天清絕浦見行舟老夫
舊有湘吳興聊復今年作遠游

牛南 一三

三

郭外

脩林遶屋尚扶疎紺葉糝枝老不枯晴廡無風鳥自語秋
場落日雉相呼一區未有子雲宅半世空看摩詰圖擬
買田陽羨去肯學滄海遠乘桴

趙孟頫護貢篚至吳下有詩見示用詩為謝

軸艦千里薄樅陽未數當年漢省方勿為催切啼望帝且
看季引駕乘黃四邊每報風塵靜万国同瞻日月光秋願
與民歌擊壤求田當賣棗中裝

觀雨

高閣前臨野外村生看急雨洒山根黑雲合沓奔崖暗白
水崩騰赴硤喧已快脩渠通草徑稍清瘴土淨柴門曉來

更報滄江漲，津北津西沒舊痕。

兩罷風大作

燕寢真宜兩卧聞，風有聲莫譎無礙。睡亭為不平鳴折筍，
低行蟻飛梅暗打鷲。最伶兩歧麥歌倒亂縱橫。

江上

岸冷霜排草川，明月上梅清游誠可愛。深夜孰能來不作，
尋山去難成訪剡。因此生慙野老，過往只田萊。

白日

白日寒無色，黃流漲未平。雲低催夕暝，江濁污秋清。尚覺
物多累，敢期詩有香。窮愁今至骨，書或以虞鄉。

次韻程愿以十詩見示篇中多及故起居舍人程

帝

一三

四

子山老懶姑取其用韻答之

故鄉喬木莫知年，聞道端居似玉川。勿謂魯侯吾不遇，試
言衛政子奚先。傳家學問三冬足，掃架文書四庫全。頗復
因君懷柱史，當時高會有群賢。

費子範以予銘其父墓持錦物相餉，蓋歸之姑留。
洮州綠石研一作詩謝之。

大費家素星斗垂，乃翁名蹟世人知。平生於此辭無愧，不
減東京有道碑。

又

訟牒裝懷塵滿背，少無筆力老尤慵。洮州綠石堪為礪，聊
與襄公羽淬筆鋒。

王才諒歸自臨安備道群從內集之樂感而有作
豈料高陽里于今復舊游風塵兩地隔江海一身留夢斷
烏衣夜魂傷白帝秋臨平江上柳早晚繫幼舟

病中

官冷經過少門寒亦懶開兩餘苔及榻病起研生埃客淚
隨猿落家書想鴛來似聞溪上柳一一報春回

立春有感

歲尽無人訪汴州東風應到未央樓荒垣草没牛羊入廢
苑春生雉兔游万里艱難炊劍首十年流落夢刀頭一官
何事不切去空戴南冠泣楚囚

感事

卷十三

五

征衣消尽洛陽塵泣向東風拭淚痕不及青春切有信一
竿一到染游園

木樨觀

離_二荒草滿遺宮_一花無人殿門空白鶴亦應天上去獨
餘枯櫪起秋風

曾樓

獨立層樓上遙看衆壑中山頭冠落首谷口吸長風雲霧
吳天接江湖蜀拖通只今洞庭岸白浪沒青楓

溪上尋梅

凍雨霏_二不濕山冰溪淺欲生瀾_一我来問許無消
息笑倩東風與破寒

病酒

遣愁自笑筆無功醉覺花梢入眼紅本擬消磨得杯勺不堪中酒過春風

喜雨簡仲霍行之

久晴風暖紆溪城陌上輕埃欲汗人不惜春泥三日雨且消烏帽十分塵霏微着柳空添色浩蕩欺花便減春擬作郊居唯覓賦故人今日有玉筠

簿書

楊梢飛雪滿城風暖日催花爛熳紅詩興消磨渾欲盡一春心事簿書中

春晚

花輸落葉歸蜂室風約疎簾納燕泥見此令人思故里出門搔首忘東西

二月

只知流落倦飄蓬豈識朝回合殿風二月春容山色裏五更切夢雨齊中

門外春寒數日風登樓聊恃醉顏紅水浮澗莽春畦外山在冥茫暮雨中

去八月同張文饒考試始遂言集執經問道至今不敢忘因成二詩

屬者真被命敕書黃札光同將舜權量馬較蜀文章投分雖已晚傳經何可忘對床風雨地長記此外堂

通變莫如易書編存至今如傳仲尼手足見伏羲此去
板清問豈惟蒙賞豈要通天下志觀象得惟深

二十七叔父書來說東都故居如昔

吳蜀相望万里程經年書到說都城
街溝猶泛宮花出春草還依輦路生
京洛衣冠皆去國東南父老亦傷情
鄭公鄉里聞如故誰道胡兒解弛兵

讀江南諸公詩

吟盡江南草木春只今臺閣有詩人
漢廷安用滄浪句容我持竿詠白蘋

午晴

漸覺銅壺刻漏遲捲簾花日弄晴輝
午窓睡美無人喚

三

逐游絲自在飛

南州

久矣吾人愧白鷗塵埃無路入南州
愁橫蜀嶺何年斷夢繞吳江
冬日流病骨本無軒冕相微官
端為稻梁謀與君共約東山日
江樞還家要黑頭

官舍

得閑誰更傍人門且喜深居少送迎
楊柳春風垂地影芭蕉夜雨隔窗
寒病寬東帶圍應減愁攪枯腸
睡苦輕明日公庭有官事又須持板
候雞鳴

止酒

卧病經旬不舉觴骨中無復少年狂
春心已逐飛花盡午

夢還隨白日長塵事無窮那可了詩情常在不能忘閉門
覓句無餘事書策紛紛正繞床

新刊嵩山居士文全集卷第十三

新刊高山居士文集卷第十四

律詩三十五首

即事

故國邊春靜鼓鼙依然宮闕浹沾衣端門曉日烏聲樂別
殿春風燕影此目斷楚天嗟樹隔夢還梁苑逐雲飛里中
父老今誰在聞說此鄰半是非

寄子兼弟時聞有平都之游

春風殿閣百花香欲去題詩細作行聞爾東游有佳句只
應先我賦靈光

遣愁

自是汀蘋老黃凋岸草秋西風正蕭瑟何處不堪愁

巴江

巴江暮秋末霜降千林空山色不改碧萸花無數紅木葉
感湘浦葦蕩憶江東艱難志當壯吾未怨涂窮

懷子兼弟時在寧江赴試

霸國山河在秋風草樹踈羈滯今幾日旅食定何如夢想
池塘句愁消鴻鴈書細思治安策勉力獻公車

又

江晚微收潦乘流久已歸沈郎正多病水帝有餘威鴻鴈
幾時到脊鳩相背飛題書問行李東望獨依依

予已未十月二十有二日去涪上越明年八月二
十有八日以事再來觀山川之勝無異於昔而予

之幽憂青鬢亦自若也

重來閑曳杖藜行白帽依前似管寧風雨只如當日恨江山不改故時青天寒未夕惚先暝霜晚無聲葉自零詩罷時為洛生詠醉吟聊使故人聽

送王和甄實公瑞峒魚洞

壁掛疑塵擗苔生嘯月樓喜聞佳客至能為故人留雨種山川暝風傳鼓角秋沙邊晚相別留眼送岫舟

秋江

秋江水清不勝綠還與漢江顏色同望中白鳥忽飛去落日丹楓相映紅

和郭安道

在試院作

水落灘平急風來樹影移懶窮千里目空誦四愁詩白帽何妨隱黃梁未遣炊要令鄉國夢驚尚枕中逢

雨晴

古

西風送殘雨吹及簷際滴稍稍江流清湛此千頃碧垂收天倚蓋山靜月銜壁秋容日夕佳真欲慰北客

別郭安道盧龍甫

客路悲秋落木邊江流袞袞尚連天病來懶着登山屐歸去聊乘下瀨舟回首關河嗟去國傷心風雨送殘年相逢又作匆匆別擬續陽關第二篇

偶題懷子兼弟

秋色丹楓畔愁心白鴈邊東來又相失更擬待明年

夢中作

舉鞭重到故都行，子亦咨嗟恨不勝。
心與隴雲留漢苑，目隨煙樹遶秦陵。

尋梅花尚未有開者

問許溪頭樹如何，殊未春亦應心老大。
不逐世陳新

有感

不見罽毼闕于今，已十春素衣不忍弃。
為有洛陽塵

雨中觀庭下梅二首

霏霏凍雨細無聲，解洗梅花花上塵。
似向橫枝借顏色，故應添我一分春。

春近梅梢著意紅，留花不發待東風。
籬邊一樹最佳處，半

在真濛煙雨中

詠銅餅中梅

折得寒香日暮歸，銅餅添水養橫枝。
書窓一夜月初滿，却似小溪清淺時。

合江舟中作

雲氣昏江樹，春流沒釣磯。
如何連夜漲，似欲送人歸。
亂石水芽急，片帆風力微。
舟師且停櫓，鷗鳥畏人飛。

三月晦日舟中

平生每欲惜芳菲，人事還多與願違。
卧病不常同客醉，作詩才及送春歸。

四月一日舟中

渺渺無風浪自平順流乘曉放舟行汀蘋不與春同老池
草能隨夢復生山色向人元不改年華轉景未須驚故人
相會無多日有酒何妨為我傾

師安撫生日

鼻祖貽謀遠承家積慶長青箱元不墜玉樹久逾芳氣驗
三嵎秀祥占五世昌向來蜀父老久憶漢文章試問風騷
將誰登翰墨場浮雲玉壘變秋草墨地荒大雅淪金石斯
文厭批棟九成方命舜三變必興唐東壁初觀象南箕果
降光終當薦清廟始驗出岷岡世喜韶音在人皆肉味志遙
聞望帝國重立鄭公鄉議論看前輩春秋守素王談經追
服杜下筆逼班揚價重連城壁功高治水航詞源傾灑灑

山一四

才刃剡于將思涌祥穿月文成字挾霜高明齊日觀豪健
敵風檣不但垂金薤方期北玉璜徑宜排稷下不用奏阿
房浪草三千牘深窺數仞墻多聞正科斗博識辯商羊鄉
黨尊王列爻游說鄭莊絃歌化鄒魯文物見成康壯哉觀
周樂昭時笑楚狂風塵天下轍日月魏中梁星列橋門外
霜寒壁水傍應書隨漢傳鼓篋上虞庠大策先多士高談
兀老蒼諸儒甘折角宗伯許計堂擢秀聯龍虎凌霄擊鳳
凰西翼聊偃息北海暫徊翔絳帳師儒室青衿弟子行至
音消鄭術俗學起膏肓德業方天縱才名故日彰築崇宜
夢說負鼎可干湯憲古興華且蒐儒列奉常魯宮傳禮樂
趙鏗應宮商合納諸侯酢郊崇上帝觴朝儀修草且廟樂

紀芝房方刺制將分岱岳訪守邦嚴典禮範俗正隄防
恩賜尚書寫班齊騎省郎明光聯執戟建禮入含香鳴玉
趨文陛垂紳拱御床天臨象冠動風凜獸樽涼禁省吟紅
藥朝廷少皂囊憂時惟賈傳疾惡甚張綱伏閣曾留諫
埋輪詎畏強忠言深慷慨直氣欲飛揚屢乞開宣室常思
請尚方馬首貪立仗鳳獨見朝陽直道難容黯群臣惜渡
相虛心忘寵辱知命信行藏微道森長樂周盧肅未央
贅衣重入侍交戟儼開張地有長城固時無寶瑟僵鳴鑿
思禹允飛旆入雷塘仗狩崆峒遠旌蕪火海黃方資清宿
衛乃遽釋軒裳負郭俄回駕專城再耀銜化移江北拱訟
爰召南棠已去浮江虎潛驅避境蝗使車更刺舉夷路看

牛南 一四

五

騰驥未即歸前席還聞出護羗不通五尺道坐富十年糧
念昔東南帝多興楚越疆聚星占晉國厭氣走秦皇往者
何勞繼今王未易量布書垂象魏仄席在嚴廊大業雖中
憤神謀正外攘會須擒頡利方擬殄燒當宇宙依秦樹山
河接汶篁再令宮禁肅必賴暇眩良豈久留乘塞行看入
奉璋無礙護府亟趣舍人裝有客彈長鋏終年竊太倉乘
龍安敢望飛鳳果為祥貪祿難投憤登堂阻奉觴遙祈千
歲壽坐見海生桑

范令人生日

文正垂芳久風流八葉蕭名傳慶曆頌功冠寶元朝人物
追三代儀形正百僚後來登玉笋故自有霜條配德皆乘鳳

生賢必珥貂賦高梁苑雪弄振浙江朝已慶生金杜哉開
夢紫霄駸車度弱水絳節下陽寒溫潤珠無類清修玉不
雕成家自禱結高節陋琴挑靈匹期河漢仙槎近斗杓擇
夫得溫嶠傳業繼班昭此物能吟紫蓬辰解頌椒早薄玉
吉儉久去少君騎絳帳詩書在朱絃律呂調行皆圖史應
步節珮環搖林下風姿遠閨中禮法饒翟衣嚴象服彤史
嗣英飈夙御魚軒駕和鳴鳳管簫清標矜竹潤盛德頌桃
夭八桂知同秀三芝等後凋他年看洗髓終不羨雲翹

偶成

鸞鑑無塵月影圓不須朱粉汚紅顏待傳京兆眉慙樣剩
寫春容入遠山

十四

六

臉上桃花春自開眉邊柳色只全回遙知弄粉粧成晚應
待溫郎玉鏡臺

樓上東風簾幕垂纖春筍弄粧遲玉籠鸚鵡知人意催
報花梢日影移

深深小閣夜籠香日上珠簾逗曙光為喚羅帷春睡起翠
盆添水試新粧

九日

霜林木葉未全紅疎雨蕭蕭不滿空万里黃花欺病眼十
年烏帽怯秋風可憐望遠身能健愈覺追歡歲不同便欲
題詩問鄉國不堪回首失飛鴻

荅對子晉伯再用游卧龍山詩韻見贈之什

康成名已滿山東復見談經鄭小同卧病向來嗟解滅誦
詩多謝愈頭風休隨賓客游梁苑合有文章動漢宮如我
空疎已何用一生丘壑坐奇窮

喜王志夫來

懶觀南土化歸勒北山銘蠟屐乃相過巾車何不停復回
千里駕去食五侯鑄想見知君到傳呼閣下鈴

恭州教授宋師民有詩次韻

但聞兩廡讀書齋學館無塵地更清歲久緇林皆木拱春
來泮水有芹生剩令龍席登高弟再賦鳧鷖羨太平我老
循行才不稱愧君刻畫與虛名

聞伯初兄從周宣諭往兩京

聞道西從使者車勞勤問許武侯廬卧牛已去多新冢化
鶴重來失舊居草木久荒門外遙塵埃應化壁中畫是知
流落歸無處未免悲歌問孟諸

新刊嵩山居士文全集卷第十四

新刊嵩山居士文全集卷第十五

表

眉州到任謝表

列爵惟五朝廷不輕用人近古者三風俗最為務本欲付
牧守之任必得通明之儒夫何選除乃在涼薄謝伏念臣
初無時用偶出故家祿臺閣之選者蓋已七人食郡縣之
祿者於焉六世方當門戶寂寥之不振豈意陛下收拾
而无遺近且兄既執法於中今臣愚復宣化於外本乏治
民之善狀遽叨越次之名邦退而省循何以報稱此蓋
皇帝陛下儉以富國勞於求賢念喬木而懷世臣歎西北
人才之無幾望中原而思王業乘東南聖氣而有為致令
衰宗亦被殊寵臣敢不訪諸耆舊考所見聞前事可師繼
烈錫厚重而無擾大節是慕如蘇軾剛直之不回

謝太上皇表

始試以政治巴下里之人今得此邦如魯好學之國豈其
短淺可以撫循謝臣始者入疆信其近古務本力作尤有
三代漢唐之遺風潔大度長實為兩蜀彭漢之此郡觀里
閭文物之盛被國家教化之多被然自慚得此良幸伏遇
先堯壽聖太上皇帝德施罔極道合年為不居成功退捐
天下而樂特室親授聖子並達豪英以為官師夫何妄庸
亦膺任使臣敢不勉修善政推廣上心戒諭遠民皆將勤
老而知禮追還舊俗益當合耦以勸耕

賀立皇太子表

太上皇帝

一人元良主茲大器万世永賴繫我神孫豈徒重太室之祿

祿亦以見慈闈之垂裕中賀恭惟

光堯壽聖太上皇帝陛下既底于治不居其功財成以左

右民退藏于密貽謀以燕翼子永孚于休申固慶基式

行冊礼臣欣逢華旦云舉盛儀乘綠車以從但想日陪於

侍衛列黃麾之仗年緣往預於會朝

今上皇帝

正始王化之基少成於是知礼義天子天下之本稼達所

以尊祖宗因律宥以施仁示為民之同慶中賀恭惟

皇帝陛下祗承慈訓益懋永圖念后稷之艱難自周公所

陳一之日喜王季之壽考見太妣之有百斯男眷乃春坊

教之冬篇臣屬居支郡遙想路朝位北上於橫街初消是

日瞻南向之御坐獨後群臣

賀冊皇太子禮成表

太上皇帝

宮架三十六簾備樂在庭玉簡七十五枚臨軒授冊益永

中興之垂統中賀上聖之貽謀中賀共惟

光堯壽聖太上皇帝陛下嗣歷無疆德施罔極豈獨受於

帝祉蓋將裕於後昆含飴弄孫坐看勝衣之收疑持節遣

使喜聞奏版之辦嚴眷我慶基安于盤石臣仰知壽考之

福遂及本支之興比宣帝之愛皇孫今為既長見武王之為世子古蓋未聞

今上皇帝

神器至重長子主之典禮既行天下定矣聖意喜大業之可託人心知宗廟之有因傳於迺遐為之鼓舞臣等共惟皇帝陛下懋建上嗣親承慈護世嫡皇孫知宣帝之所愛師道教訓必太公之可為豈徒盛有司之儀更將求端士之助臣屬居支郡阻會路朝設次於重明門莫觀贊引拜表於文德殿獨後走趨

天申節賀表

養莫大乎天下極其尊崇穆將愉兮上皇享此逸樂載逢

高十五

三

震夙之月無不鼓舞于途賀中恭惟

光堯壽至太上皇帝陛下儲思穆清貽謀宏遠一日而見三天子當傳序於無窮大塊之迷七聖人益冲虛而自得臣屬居民社阻詣闕庭獻禽于大安宮但想君王之致孝放難於新豐市莫陪父老之竦觀

又

伏以十四月聖人之生慶開曆社五十年天子之貴華冠古今載逢震夙之辰尤極邇遐之喜謝中恭惟

光堯壽聖太上皇帝陛下德隆不祚威格遐荒黃屋非帝堯之心雖安清靜便橋尋太宗之誓由畏聖明人既賴其至仁天亦錫之景福宜率廣樂以彰太平臣屬領州符阻趨

朝列方明為御而昌寓驂乘莫觀物外之游豫章捧饌而
聞喜持鎗但想宮中之樂

搜刑司

三聖合符同藝祖太宗之建亥五運垂統適盛德大火之
司辰皇天所開振古未覩臣中賀恭惟

光堯壽聖太上皇帝剛健不息志氣如神有虞氏魏乎其
功殆將並駕廣成子蹶然而起願就下風自得修身之方
永享垂衣之樂臣屬使外服阻遠路朝君子既醉太平無
若今日公卿迭起為壽莫望清光

常平司

四七之際蓋受命而再興億萬斯年當與天而無極每逢

震夙無不詠歌中賀恭惟

光堯壽聖太上皇帝陛下經綸艱難垂裕永久陶鑄堯舜
燕翼聖神之子孫軒墀禹湯下視帝王之功業非特宗廟
社稷之保佑亦應天地神祇之扶持臣屬此按刑稽於就
列豈不夙夜庶幾忠臣之愛君多所平反要助大德之得壽

會慶節賀表

一人挺生天以克肖其德二帝驩樂邦其永孚于休翕然
大和萃於今日臣中賀恭惟

皇帝陛下興隆丕祚寅奉慈謨伊呂伯仲之間求英才而
既得文武父子而處同聖壽於無疆臣不待示宴之慈已
備既醉之福雖莫與玉帛之國翼翼以趨有如聞管籥之

音欣欣而喜

又

遷臺居臺再啓興王之符以堯繼堯篤生命世之主惟天乃眷介福無疆共惟

皇帝陛下仰奉貽謀增隆累洽無怠無荒而蠻夷服近王近霸而孝悌修自世子而日朝三今伸以天下之養惟中國之長技五更加以文德之威隱然安強至此寧又某屬膺郡寄阻綴朝班謹舉公等之觴莫聞帝語願使聖人之壽豈止民言

又

十月良月共慶聖人之生一元達元莫窮年紀之數欣逢

第五

五

是日喜溢多方臣節共惟

皇帝陛下丕承聖謨專用孝治揜於往古未有前後聖之同時洽此至和遂使大小邦之向道宜膺眷佑永享隆平臣雖阻會朝敢忘稱頌堯父舜子當同介福之無疆鄭刀宋斤當見銷兵而不用

提刑司

起於后稷大哉繼繼之無窮生此文王今我聖聖而相授是日可謂非常之慶上皇如見載育之初喜溢宮中歡騰

海外中恭惟

皇帝陛下志在復古神惟與能舍南之光屬天蚤已眷於上帝溷東之卜惟洛終當返於故都豈徒率土之濱欣然

而歌又將華封之人舉是以祝臣宜修職貢屬奉德音臣事君以忠心但勤於馳闕儀及物曰享幣莫備於充庭

常平司

漢四七之間再見於昭于天之盛舜五十而慕常喜誕彌厥月之時綿宇詠歌慈闈歡豫臣賀中恭惟

皇帝陛下日聞寶訓益務不承鷄鳴而至寢門何止神於大養鳥迹之交中國將克定於神州奉迎上皇之歸遂如至德之世自今以始受天之休臣遙想宸居真為盛事神堯在坐皆稱萬歲於宮中叔孫為儀更置九行於殿上

大禮進賀表

提刑司

闕鍾礼天而函鍾礼地當吉土之肇種黃金為上而白金為中宜諸侯之助祭凡修職貢敢後駿奔臣賀中共惟

皇帝陛下恭已事親因時報貺日至以出逮金支之秀華礼成而歸奉王卮而一壽臣屬持旌節阻執豆邊莫敢來王不能瞻四簋之忝惟恭用幣庶幾同九牧之金

常平司

四圭有邸以旅上帝式舉大祠九州獻力以共皇天實為故事適在當郊之歲敢稽享上之儀臣賀中共惟

皇帝陛下因修明禮益顯盛德太和浹於穹壤化羣愚於蕭勺之中至誠格於神祇達精意於陶匏之外臣將尚郡縣均被福祥厥真惟金既已助於祀其比如柳會當報之曹在

謝賜曆日表

歷象日月星辰使知時令善相原隰土地用勸農功豈徒太史之常是蓋守臣之職臣雖共惟

皇帝陛下則惟順帝統乃得天儉而愛民安肯年茲害有益動必合序未嘗先時不及時凡在照臨皆思宣布臣敢不愈勤收養勿奪耕耘令正日成不待至於歲會克謹天戒更當奉於聖謨

又

晨闔分夕闔分惟上聖得推步之正春圖圖秋圖圖使有司順省繕之宜屬在平反敢忘遵奉中謝恭惟

皇帝陛下履露方國輯和四時民懷有仁知告以蚤晏之五快王省惟歲至率其大小之臣臣敢不欽誦是書益思其職萍始生而視原野豈徒溝瀆之皆修麥秋至而斷薄刑六要使經牢之無滯

新刊嵩山居士文集卷第十六

後

太上皇后牋

藝祖之祧主此圭瓚非自文王之母見我聖王神孫喜溢宮闈歡傳海宇臣等共惟

太上皇后殿下王基允正壹化盛行嗣皇承風豈止於思齊所以聖諸右稟德能使之習貴若自然日考所傳聞冠於面史授太尉冊於是日已修宏休著雙童降於內朝更為盛事

皇后牋

命左庶子之贊拜於是禮成詣大長秋而進名皆當牋賀中外之慶小大攸同臣等共惟

皇后殿下慈教有成芳猷允塞能推行於坤道以訓迪於震宮誕生而聞正言蓋自親昧豫達以重宗廟實慰母心臣欣觀昌時初行盛禮太尉入立於閣外仰聖按之尊嚴司賓引出於殿前想慈闈之歡喜

皇太子牋

刻白玉之簡持按在前服朱明之衣執珪就位初聞宣冊莫不屬心某等恭惟

皇太子殿下孝以事親早於諭教乃聖乃神乃武資我二帝之文以嫡以長以賢具此三者之美慶闕廟社望協天人某適在殿陬阻瞻儲禁諒守宮之設次豈惟官屬之皆來

恨分土而剖符獨望羽儀之莫及

又

以嫡兼以賢當主宗廟之望抱孫不抱子寔慰上皇之心

五學既成乃邦以正其時恭惟

皇太子殿下溫柔毓真幼委事親出則近於正人入復敷於祖訓昏定晨省惟堯言堯行可得聞日就月將且文子文孫所以垂青宮懋建赤縣歡傳某歎此閑休揜於前古問朝夕於內御者常視膳於兩宮置左右而帝愛之更承顏於千歲遭逢盛際鼓舞遠民

狀

貢麩金狀

卷一百一十八

列聖所貴莫如三品之良舊章攸存願從九牧之貢前件麩金蓋藏於市非斂於民遺子孫贏皆有富饒之實與土同價益彰節儉之功

又

天生五材當供有國之用貢惟三品實為麗水所生爰率邦彞躬向王府前件夫金利以從革得於披沙象物以知神茲可助夏后之鑄正玉而底財賦不須毛伯之求

貢銀絹狀

孝莫大於尊親養以天下物无可以稱德惟我友邦爰率典常恭修職貢前件本於愛養成此富饒曲拒具而蚤縑蓋由齋戒之勸刑罰中則獲出更彰瑞應之岳

又

屬臨彌月山川鬼神莫不寧感率舊章箱篚幣帛以將
意劾自侯服旅於三庭前件銀絹雖出地征蓋由家給夜
皆識其氣知風俗之不貪冬生號其寒見富饒之是用

進銀絹狀二

提刑司

帝王之制可舉而行茲為故事天下之物莫稱其德聊抒
下情前件銀出於沃饒取以藝極往實作真之篚敢後走
趨鑄為上壽之鎗永資宴樂

常平司

大哉乾元生民莫報其德養以天下至子以事其親前件

嵩十一

三

銀本溢於山蓋藏之府仲夏東井正御明堂之朝大賂南
金豈止淮夷之獻

功德疏右語

天申節一

為天下君已成功而高誦祝聖人壽當以視以長生是惟
普率之情莫報生成之施

光堯壽聖太上皇帝伏願年高五帝仁愛万方廣成子之
修身不待具茨之訪道天可汗之在上永令回紇之畏威

又

弥月既臨凡我尹伯庶常之士即日相率至于浮屠老子
之祠爰設淨盥共祈景貺

光堯壽暉太上皇帝伏願嗣周歷張壽舜衣裳億萬身勤天之休自高上古之壽七百世守器以正更如暉祖之書

提刑司一

太上有立德蓋神祇祖考之皆安率土莫非臣頌嗟嘆詠歌之不定屬臨日月往扣真乘

光堯壽暉太上皇帝伏願永御綿區倍膺景福同太祖丁亥之歲生而神靈推大撓甲子之書周而復始

常平司

天祐聖人不禱祠而福衆於是日皆竭厥足以趨凡集甃宮用祈景貺

光堯壽暉太上皇帝伏願巍然高拱樂此太平游於宮廟而無為常偃万方之兵華長於上古而不老觀百世之壽

會慶節

伏以黃老佛之道歷代之所共尊微盧彭之人祈福於是

有禱恭即誕彌之月相尚駿奔於庭
皇帝陛下伏願永享萬年再清四海放牛桃林之野此志必成獻禽大安之宮其樂無極

又

非常道非常名蓋為清靜之教以依佛以依法是謂調御師可以迎上天之休可以使聖人之壽恭曰震夙共効禱祈
皇帝陛下伏願神以扶持天所仁愛得其位得其壽固高
拾芥於百王合其德合其明更永臨於万国

又

黃老子漢而佛三魏善自千載而來泗沂入海而渭八河
爰及九州之地共崇其道仰祝吾君

皇帝陛下伏願儲思稷清承顏溫清古之胥訓有保惠永
稟德於慈宸天其命哲命歷年自膺時之純嘏

提刑司

天佑民而作之君篤生是日臣歸美以報其上正在斯時
禱於梵宮介以景福

皇帝陛下伏願壽高五帝德被万方東面而征南面而征
威遂加於不服西海而准北海而準化當格於無疆

常平司

有王者起蓋不圻編而赫厥靈為駐人祗固常春秋而祝
於社及履帝武之日願即淨磨之祠

皇帝陛下伏願邦休永孚天壽平格非特致上帝之夢為
尔九齡蓋將同王季之親申以百福

中崑祈兩道場

惟長於千夫百夫若歲大旱乃至於一日二日靡神不宗
終焦槁之未濡九禱祈而莫應皆謂尊者近在崑崙蓋一
念之甚慈兼六通而年礙密雲自西郊不雨能潤斯時隱雷
在南山之陽可召而至敬遣官屬祇設淨筵願以守土之
拘阻於伏地以請其如激切當即感通

園通道場

惟此封部蓋百乘十方井之田計其賦輸乃一歲三十倍
於古宜我慈憫念其困窮已於播種立苗之去初救其旱
曠忍見遺棄滯穗之將及使之焦勞願終惠於疲民想不
遺於神力

又

惟聞思修王有大誓願於閻浮提國為衆切依今我部封
之田遭此旱曠之苦嘗聞神力善救群生使沸鑊之湯
而化為池不起于坐寫淨瓶之水而散作雨非有甚難敢
期輟念以垂慈遂即尋支而赴感

青詞

祈雨設醮

為政不善害於時和自夏以來再以旱告固知上天不宜
屢瀆每念荒年實有可憂豈惟轉車人徒之屬連無以奉
饑亦恐父子兄弟之离散不能為邦願憫夏畦久勞而未
償年使秋稼垂成而或敗歲則大熟民可小康

又

民之貧困未有甚於此時田無斂收則使餓於我土惟天
眷佑以時雨暘乃自是月以來遂致膏澤不下田畝之苗
莫立隄關之水未通今者部封場焉憂懼靈且之雨必
百穀之無秋如此閔閔農夫丕降汝罪告于皇皇后帝寧
丁我躬吁嗟以祈隕越于下

新刊嵩山居士文集卷第十六

